

Nadoknadići propušteno



„Stranačka i politička taktika vođena tokom protekle četiri godine dovela je do parlamentarnog zastoja u Bosni i Hercegovini. Istovremeno, zemlja se suočava s ozbiljnim ekonomskim problemima koji su dodatno pogoršani zbog globalne recesije“, reći će danas visoki predstavnik i specijalni predstavnik Evropske unije Valentin Inzko u svom govoru na Univerzitetu „Columbia“ u New Yorku.

Visoki predstavnik i specijalni predstavnik EU će istaći da uprkos ozbiljnosti problema u BiH „nove okolnosti“, koje su nastupile nakon izbora održanih 3. oktobra, pružaju nadu da će bosanskohercegovačke institucije u budućnosti efikasnije funkcionirati. „Nalazimo se u trenutku u kojem je moguća suštinska i pozitivna promjena – moramo iskoristiti taj trenutak.“

Visoki predstavnik i specijalni predstavnik EU naglašava da će novi angažman Sjedinjenih Američkih Država pomoći da se ova mogućnost pretvori u realnost. „Želim istaknuti da ne govorimo o spašavanju *propalog* mirovnog procesa – govorimo o *završavanju* mirovnog procesa koji je već dao značajne rezultate“. U okviru zajedničkih napora, međunarodna zajednica u BiH treba osigurati da se Bosna i Hercegovina nezaustavljivo kreće putem koji vodi ka potpunoj integraciji u evroatlantske institucije, kao demokratska, suverena i funkcionalna država. Međunarodna zajednica će podržati BiH u ovim nastojanjima, ali svima mora biti kristalno jasno da je odgovornost za osiguranje ovakvog ishoda na bosanskohercegovačkim političkim liderima.

Visoki predstavnik i specijalni predstavnik EU će također naglasiti da, sve dok je OHR prisutan u BiH, „on može imati i

imat će konstruktivnu ulogu u novom političkom okruženju“. Mogućnosti koje pruža postizborno okruženje „povećavaju prostor za konstruktivno djelovanje OHR-a“. Međunarodna zajednica „mora imati čvrst i kreativan pristup u pomaganju lokalnim akterima da eliminiraju prepreke koje su do sada onemogućavale postizanje napretka.“

Cijeli tekst govora bit će postavljen na www.ohr.int i www.eusrbih.eu.